





V I R O
 PRAENOBILISSIMO, AMPLISSIMO
 ET DOCTISSIMO,
SALOMONI
HENTSCHELIO,
 AMPLISSIMAM
 COLLEGAE III
 IN
 ILLVSTRI GYMNASIO PORTENSI
 DIGNITATEM
 HOC,
 QVALICVNQVE CARMINE,
 INTERPRETE
 IAC. HENR. PHIL. CAROLO
 L. B. à SCHELL
 LAETI
 GRATVLABANTVR
 DEVINCTISSIMI EIVS COMMENSALES
 EXTRANEI
 ADAMVS FRID. DE LINDENAV.
 ADAMVS GOEHRINGIVS.
 FRID. Gottlob DE WINCKLER.

NVMBVRGI,
 Typis BALTHASAR. BOSSOGELII, privi. Typogr.





GLoria Pieriae gentis! cui pronus Apollo
Non exoratas sponte ministrat aquas;
Simerear sacras hedera inter serpere lauros,
Ingenii munus deterioris habe.
Et pudet, et fateor (vates ignosce loquenti)
Heu! nimium tardas in mea vota Deas!
Ah! quoties volui resonas impellere chordas
Pollice, conantem destituere manus.
Haesit vena, negans vegetos ad carmina succos,
Nec licuit dignis necere verba modis.
Sed quamuis habeam contraria Numina Pindi,
Siccam nec venam castalis unda riget:
Vel tamen inuitis tentabo carmina Musis,
Mens pia, pro Musa est, venaque noster amor.
Non autem rauci leuitate mouebere cantus;
Vota damus: votis, Vir Venerande, faue;
Quae licet aduersis doleam concepta Camoenis:
Attamen, ex animo fausta precante, fluunt.
Viderat ingentes Patareus Apollo labores,
Artibus impensos, quas Deus ipse colit;
Viderat et posci maiora laboribus illis
Praemia, victrices implicitura comas.

Non equidem virtus superaddita nomina poscit,
Et titulis surgit altior ipsa suis.
Sponte sua comitatur honos; plus contulit illa,
Cuiusquam arbitrium quam tribuisse potest:
Haud unquam decreta tamen sibi præmia spernit:
Quae data sunt meritis splendida dona capit.
Hinc titulis adsuesce nouis, Vir maxime, virtus
Quos dudum meruit, Rex meritisque dedit.
Sicque animo laeto viduatam scande cathedram,
Quam pulcra o cupidis auribus inde dabis!
Nam Tua Castaliae limarunt pectora Musae,
Et Charis unanimes confociata manus.
Nempe Aganippeas bibisti largius undas,
Hippocreneis exfatiatu aquis.
Lactea Nestoreis destillat copia labris,
Melliloquo Hyblaeus rorat ab ore liquor.
Omnia Cecropiae, quae sunt secreta, senectae,
Altius ingenium condidit illa Tuum.
Siue Cleanthae quicquid sonuere cathedrae,
Seu vox in Samia Pythagorea domo,
Seu Latium doctis quodcumque eduxit in aruis,
Seu Pandionio terra Pelasga solo.
Cuncta haec, cuncta Tua custodis mente reposita;
Lingua o quam doctas hinc Tua promet opes!
Testor victuros per saecula multo labores;
Testor, docta manus quos poluit iuuenes.
Sic Tua felici florescet adorea fructu;
Sic Te Pegaseis gloria tollet equis.
Tempora sic currant Tibi longae prospera vitae,
Possis Nestoreas ut superare dies.
Viue memor nostri; nostrae inscribetur arenae,
Contulit ingenium quae benefacta Tuum.
Ast Tu, Porta, Tuum semper venerare Magistrum,
Qui Tibi tanta feret commoda, quanta tulit.

AN ego solus taciturna seruem
Ora, dum laetis fremit omnis
aether

Plausibus, Portae resonantque multo
Carmine tecta?

Heu! pudet tanti sceleris, fugitque

Labe tam turpi pietas notari,

Quippe, quae mauult Tibi dona ferre,

Vilia quamuis,

Nulla quam dando, Tibi displicere,

Care Maecenas, sed decus o resurgens,

Cui satis nullo poterunt referri

Tempore grates.

Musa, quid cessas? ades huc, precamur,

Rumpe et ignauos subito sopores,

Atque, defensis oculis, molestum

Excute somnum.

Nunc iuuat rursus crepuisse muto

Barbito, et laetos modulosa ciere.

I, meo, pulcrum violis, Patrono

Necte coronam.

I, nouos felix capiat, precare,

Ecce! iam dudum meritos honores,

Et diu uiuat, numeretque longos

Nestoris annos.

Hic placet cultus, studiumque solum,

Nam vetor, magnas celebrare laudes,

Nec Tibi facio temerata vano

Verba probantur.

Euge! sic nostros, humilesque plausus

Respice, et votum Tibi dedicandum:

Floreas semper, superosque docto

Vertice tangas.

Numen insignes beet actiones,

Atque felices iubeat labores,

Vltimae vt fructus capias senectae,

Taedia nunquam.

Haec, qualiacumque fuerint, summe obleruantiae
ergo, adlicere voluit, debuitque

Augustus Antonius Medicke,

Jur. Sax.

*

*

*

78 M 496

ULB Halle 3
001 618 148



TA-506

KONP

017





VIRO
 PRAENOBILISSIMO, AMPLISSIMO
 ET DOCTISSIMO,
SALOMONI
HENTSCHELIO,

AMPLISSIMAM
 III.
 ORTENSI
 ARMINE,
 CAROLO
 R
 MMENSALES
 IDENAV.
 GIVS.
 KLER.

